



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

§. 1. Quis, & vnde fuerit Mauritius?

**urn:nbn:de:hbz:466:1-45701**

justis artibus pecuniam facit. Rectè igitur Devs, ob Dauidis peccatum, pestem inculit populo Dauidis. Quod pœnæ genus à Deo venire, longè clarius est, quām bella: cùm pestem, per causas naturales exortam directè possit velle, nullà culpâ interveniente; bella autem, quæ injustè suscipiuntur, non possit velle directè, sed tantum diuinæ prouidentiaæ suæ æquitate permittat, in scelerum vindictam; sicut ipsos cacodæmones subinde relaxat, sinitque, tamquam justitiae ministros, per prouinciam, vel domum grassari, quos alioqui diuinâ suâ virtute constrinxisset, & ne nocerent terræ aut mari, cohibusset. Itaque siue morbos, siue mortes, easq; seu publicas, seu priuatas audiamus, *Psal. 144. 17.* semper dicamus: *Iustus Dominus in omnibus vijs suis: & sanctus in omnibus operibus suis.* Quod si autem mortes cladesque tales horremus, horreamus peccatum, causam talium calamitatum. *Eo 2. Paralip. 7.* cessante, cessabunt & istæ, Domino ad Salomonem dicente: *Si clausero calum, & pluia non fluxerit; & mandauerit, & præcepero locustæ, ut devoret terram; & misero pestilentiam in populum meū; conuersus autem populus meus, super quos inuocatū est nomen meum, deprecatus mefuerit; & exquisierit faciem meam, & egerit pœnitiam, à vijs suis peñimis: & ego exaudiam de celo, & propitius ero peccatis eorum, & sanabo terram eorum.* Vbi aliud genus est nauis, aliud genus remi adhibendum est.

## C A P V T . L.

*Tragico Mauritij Imperatoris exemplo ostenditur, quām justa sint Iudicia DEI, immò & quām clementia, si quem publico, etiam per carnificem, supplicio affici, aut ferro excisci patiatur.*

I,



I nullum aut auaritiae luculentâ calamitate punitæ; aut inclemencie atq; inhumanitatis diuinitus insigniter castigatae; aut etiam magnæ dignitatis de summo culmine, ob neglectos subditos, dejectæ extat horrendum exemplum, est illud, quod cum alij, tum verò prolixè Georgius Cedrenus in hunc modum narrat, magnatibusque proponit considerans;

Georgius  
Cedrenus in

derandum. Mauritus orthodoxus Imperium Romanum gubernavit Annalib. In  
uit Annos XX. menses III. dies II. Statuta fuit mediocri, robu- Mauritio.  
sus, album, facie rotunda, subrufus, recaluaster, naso & barba mediocri:  
barbam, Romano more, tondebat Patria Cappadox, iusit se in tabulis  
scribi Mauritium Tiberium. Coronatus est à Patriarcha Ioanne  
Leiunatore, ac paulo post nuptias habuit, coniugio pariter & sceptro  
felix. Hic talis tantusque Imperator, in templo pius, in campo  
fortis, justus in foro; suis venerandus, hosti tremendus, post  
multas atque insignes victorias diuersis locis obtentas, tandem  
(ut nulla est in secundis rebus constantia) cum aduerso Marte  
bellasset, quam infelix fuit pugnando, tam amissis suis pecunia-  
non liberandis, Deo, hominibusque factus est exosus. Audi  
Cedrenum.

Anno XVIII. (Mauritianus Imperij) Priscus copias ad Si-  
gidonem dicit. Chaganus verò suo exercitu collecto, repente in My-  
siam irruit. Solennitas Paschalis interueniens effecit, ut vtrimeq; pa-  
cata quiescerent. Eā finitā, inducia quoq; dissipuerunt. Cumq; multis  
se mutuò cladibus affecissent, tandem exercitus Romanus partim  
casus, reliqui capti sunt. Tum Chaganus in Mauritium cadiò populi  
culpam conferens, paratum se ait, captivos accepto in singula capita  
nummo; rursusq; binos uno nummo; deniq; singulos, iv. ceratijs ac-  
ceptis dimittere. O quam vilia malis Principibus sunt capita-  
militum! Illos, qui, pro patria, & vulnera, & mortem pati, qui  
se hosti opponere, qui nimbis, & tempestibus, qui solibus asti-  
vis, qui hibernis frigoribus, qui fami & siti, & mille aquarum,  
ignium, hastarum & gladiorum periculis se exponere parati  
sunt, uno nummo, ab hostili immanitate, redimere piget! immò  
binos milites uno piget nummo in libertatem afferere! Quantus  
amor nummi! quanta obliuio humanae benignitatis? At fortasse  
militibus captis, apud Chaganum bene fuit? fortasse, more  
multorum, in vino & jocis tempus consumperunt? fortasse  
diem inter ludos & conuiua, noctem inter libidines atque  
scorta traduxerunt? Nequaquam ita habiti sunt, vt apud ho-  
stes nunc nummati pyrgopolinica solent haberri. Nam cum ne-  
sic quidem, hoc est, iv. ceratijs, eos redimere vellet Mauritus, ira-  
tus Chaganus omnes occidit, fuere autem XIII. millia, estimabantur,

II.

Zzz 2

supplicio